

MACAALO

magazine

ISSUE
NO. 14

“MIYYI IYO MAGAALABA WAXAY ADEEG
SIMAN HELAAN, MARKUU MAAMUL
DAADAGO”



Association of Local
Government Authorities of
Somaliland

www.Algasl.org


TABLE OF CONTENT

- | | | | |
|---|---|----|--|
| 1 | ABOUT ALGASL | 7 | MAAMULKA CUSUB EE DEGMADA LAAS-
CAANOD OO WADOOYIN XIDHNAA BAN-
NEEY |
| 2 | MAAMULKA CUSUB EE DEGMADA SAYLAC
AYAA KULANO ISXOG WARAYSIYA LA QAA-
TAY BULSHADA | 8 | KOR U QAADIDDA DAKHLIGA DEGMADA
OODWAYNE |
| 3 | NADIIFINTA CAASIMADDA DALKA IYO
DADAALKA GOLAHA DEEGAANKA EE CU-
SUB | 9 | WAAJIBAADKA GOLAHA DEEGAANKA |
| 4 | WADDOOYINKA BURCO QASHIN DANBE
LAGU TUURI MAAYO | 10 | IDEAL |
| 5 | NALA QURXI GABILEY | 11 | BARNAAMIJKA WADA JIRKA EE DAWLADA
HOOSE IYO BAAHINTA ADEEGYADA DAW-
LADDA EE QARAMADA MIDOOBAY |
| 6 | ISTAAN CASRI AH OO BERBERA LAGA FU-
RAY | | |

ALGASL MANDATE



Transform local governments to enable them fulfill developmental mandates



ABOUT ALGASL

The Association of Local Government Authorities of Somaliland (ALGASL) was established initially as Somaliland Municipal Association by the local government mayors on February 2006 in Hargeisa, with the aim to provide support to the local authorities, coordinate activities that benefit the performance of the local government institutions and their employees. The membership of the association includes all Local governments of Somaliland referred in the law 23 categories of Districts A, B, C and D.

ALGASL is non-profit, non-political, non-governmental and non-religious association registered as a legal entity by the Ministry of National Planning and Development and Office of The Prosecutor General of Somaliland. ALGASL operational income sources comes from primarily membership fees (100%), but during implementing activities it cooperates donations from the donor community and national government.

ALGASL has made important progress in recent years in terms of institutional strengthening, governance and its capabilities to provide services to its members. Likewise, ALGASL has made important progress in its relationship with the national government, representing the interests of local governments and carrying the message that local governments are the vehicle for achieving Somaliland's development objectives and also wants to raise the awareness of local government issues, with share experiences and best practices and find solutions for common problems.

ALGASL focuses on developing and providing services to municipalities through support to the capacity development; the promotion of closer collaboration among districts and, harmonious and efficient relations with Somaliland central government. ALGASL has a strong strategic plan to advocate and representing the interests of local government within the system of government as a whole and supporting its members to fulfil their developmental obligations,

on the other. As a full partner in government, the Strategic Plan 2019-2023 of ALGASL is aligned with the objectives expressed in the Vision 2030 of Somaliland, the National Development Plan, the Strategic Plan of the Ministry of the Interior, the stipulations of the Law 23 and, with the development objectives of local governments.

MAAMULKA CUSUB EE DEGMADA SAYLAC AYAA KULANO ISXOG WARAYSIYA LA QAA- TAY BULSHADA

Eng. Khaalid Nuur

Agaasimaha Arimaha Bulshada
Dawladda Hoose ee Saylac

Maamulka cusub ee dawladda hoose ee Saylac oo horkacayo maayirka, maayir ku xigeenka iyo xoghaya ayaa safar kormeer u kuurgal ah hawlaha shaqo ee ka socda magaalada Saylac iyo 18 tuulo oo hoos yimaadda. Intii safarka ay ku jireen madaxda dawladda hoose ee Saylac waxa ay la fadhiisteen tuulooyinka madaxdoodii oo ay is xog waraysteen. Duqa cusub iyo masuuliyiinta kale ee lasocday waxa ay u balan qaadeen in hawlaha horumarka degmada lasii dardargalin doono loogana baahan yahay tuulooyinka iyo maamulkoogaba in ay qaybtooda ka qaataan. Dhinacooga waxa ka falceliyay tuulooyinka oo soo dhaweeyey golaha cusub ee magaalada Saylac iyo madaxdiisa cusub waxa ay sheegeen in ay ula shaqayn doonaan si hufan, dhinacoogana ka soo bixi doonaan wajibaadka saraan. Dhanka kale, dawladda hoose ee Saylac waxa ay dib u habayn iyo balaadhinba ku samaysay xafiiska looga maamulka gobolka Seel oo fadhigiisu yahay magaalada Saylac.



NADIIFINTA CAASIMADDA DALKA IYO DADAALKA GOLAHA DEEGAANKA EE CUSUB

Cali Maxamed Nuur (Cali dheereeye)

Agaasimaha Waaxda Qorshaynta iyo Horumarinta
Dawlada Hoose ee Hargaysa

Masuuliyiinta Dawlada hoose ayaa dejiyay qorshayaal ay ku hagi doonaan caasimada lixda bilood ee sanadka ka hadhay. Masuuliyiintu waxay ugu horeyn mudnaanta siiyeen nadaafadda iyo bilicda magaalada Hargaysa. Qorshayaashan kor loogu qaadayo bilicda iyo horumarinta nadaafada ayaa ka mid ahaa balan qaadyo uu duqa caasimaddu, Cabdikariin Axmed Mooge xiligii ololaha uu ku taamayay waxaanu duqu sheegey in ay hiigsanayaan magaalo nadiif ah oo qeyr-keed la tartanta. Kulano iyo shirar ay gudida fulinta iyo Duqa caasimadu ku naaqisheen amuurahan waxaa leysla gartay in ololahani noqdo mid joogto ah iskaa wax u qabso oo dhamaan qeybaha bulshadu dhamaantood ka dhex muuqdaan maadaama oo dadweynaha magaaladu yihiin kuwo saamayn weyn ku leh basrinta qashinka iyo bilcinta magaaladaba. Masuuliyiinta dawlada hoose waxay qaadeen ololayaal dadweynaha laga codsanayo in ay garab iyo gaashaan ka dhigtaan bulsha weynta reer Hargaysa si loo helo magaalo cagaaran oo qurxoon. Dooxa Hargeysa, Olole sideeda degmo, dhaamka Jigjigayar,

Intii ololaha caasimaddu socday waxa ka qayb-qaatay, madaxwaynaha dalka Md. Muuse Biixi Cabdi, wasiirada xukuumadda, haayada dawlga ah iyo kuwa madaxa banaan, culimada, ganacsatada, shirkadaha waawayn, caruur, ciroole, rag iyo haween oo dhamaantood ku gaashaannaa qalab ay guryahooda iyo goobahooga shaqo ay kala yimadeen si ay degmadooda u nadiifiyaan. Baaqa maayirka caasimaddu waxakale oo uu saamayn togan ku yeeshay degmooyinka dalka oo

dhan oo raacay dariiqaasi suuban ee bulshada lagaga codsanayo laguna wacyi galinayo in ay degmooyinkooga nadiifsadaan isna barbar taagaan golaha deegaanka ee cusub.

Ugu danbayn, maayirka caasimadda iyo masuuliyiinta kale dawladda hoose talaabooyinka ay qaadeen waxa ka mid ah: in ay u asteeyeen ololaha nadaafadda caasimaddu in uu qabsomo Khamista bil walba u danbayssa. In loo sameeyey gaadh ilaaliya goobihii la nadiifiyay, in dib aan loo dhigi doonin gawaadhidii taaley waddada 150-ka dhexdeeda, in dooxa aan ciid laga guridoonin, ciddii lagu qabtana talaabo sharciga wafaqsan laga qaadi doono. Ugu danbayntii Madaxwaynaha qaranka Somaliland mudane Muuse Biixi Cabdi oo ololihii iskaa wax u qabso kala qaybgalay bulshada caasimada hargaysa, ololahani waxa uu dheeraa kuwii hore ka qaybgalka madaxwaynaha oo siinaysa dadwaynaha caasimada dhiirigelin iyo wadaniyad jacayl dheeraad ah. Ololahaasi waxa lagu tilmaamay inuu ahaa ololihii nadiifinta ee abid lagu nadiifiyo caasimada iyo sidoo kale dooxa caasimada hargaysa inuu ahaa.





WADDOOYINKA BURCO QASHIN DANBE LAGU TUURI MAAYO

Xamse Maxamad Cali

Agaasimaha Waaxda Qorshaynta ee
Dawladda Hoose Burco

Olole balaadhan oo lagu nadiifinayo korna loogu qaadayo magaalada Burco ee caasimada gobalka Togdheer ayaa ay fuliyeen golaha cusub ee dhawaan shacabku soo doorteen. Afarta degmo ee magaaladu ka koobantahay oo kala ah: Faarax Oomaar, Sh.Bashiir, Lixle iyo Maxamad Cali ayaa dhamaantood laga fuliyay barnaamijka nadiifinta Burco. Waddooyin oodnaa muddooyinkii u danbeyey badigood waa la baneeyey. Khashinkii oo dhanna waa laga guray. Shacabka degmooyinka iyo shaqaalaha dawladda hoose ayaa iska kaashaday hawshan baaxadda leh. Geedka garanwaaga oo xidhay waaddooyin, waa la guray. Sidoo kale dhagaxaan taalay wadada horteeda, waa la guray. Waddooyinka halbawla-ha ah ee magaalada lagu tuuri maayo qash-indanbe oo waxa la dhigay haamo loogu talo galay in lagu qubo qashinka. Dadwaynaha Burco si wayn ayay ugu mahadnaqeen golaha cusub iyo hormuudkoogaba talaabada horumarineed ee ay qaadeen. Bulshada iyo dawlada hoose oo is wada jiraana waxa ay Khami-iskasta ka fulin doonaan magaalada ol-olaha nadaafadda.



NALA QURXI GABILEY

Hibo Xasan Haaruun

Agaasimaha Waaxda Qorshaynta
Dawlada Hoose ee Gabiley

Magaalada Gabiley waa magaalada leh siyaasadda Dhiraynta iyo Maareynta Qashinka taasi oo u horseedday inay noqoto magaalo nadiif ah oo aan lahayn qashin yaala meelaha loogu tallo galey meel aan ahayn. Gabiley Waxay kala simantahay degmooyinka kale dhibaataada Geedka Garanwaaga iyo Dhagaxa.

Geedka garanwaaga oo sanadihii u danbeeyay qabsadey magaalada, kaasi oo ka saarey dhirtii dabiiciga ahayd, keenayna nadaafad daro oo noqday goobo qashin qub iyo inuu meelaha qaar ka dhigo laago.

Sidoo kale dhagaxa oo isaguna ah hadhaaga dhismayaasha guryaha, oo xidhey dhamaan wadooyinka xaafadaha dhex mara oo bilicdii magaalada foolxumo ku keenay. Qaabka Khariddada Gabiley waa afar xafadood, xaa-fad walbana waxa loo qaybiyey 4 aag (zone) oo gudaha ah, oo kala xadeeya xaafaddaa iyo xaafadaha kale. Xaafad kastaa waxay leedahay xafiis ay Xarunta Dawlada Hoose ku leedahay oo fulisa dhamaan adeegayada dawlada hoose ee xaafada. Taasina waxay sahashey in si fudud hawlaha dhagaxa iyo garnwaaguba si fiican looga qabto.

Mashruuca nala qurxi Gabiley ee ururinta dhagaxa iyo goynta garanwaaga waxa uu hiigsanayaa in uu kor u qaado bilicda magaalada isaga oo qaadaya tallaabooyinka ay midtahay; in guryahay iyo waddooyinka laga nadiifiyo dhagaxaanta, in dhagaxaanta looga faaidaysto qaab farshaxan, in dhagaxaanta lagu xidho biyo mareenada, in garanwaaga laga dabargooyo magaalada oo lagu beero dhir. Ugu danbayn, talaabooyinkaasi waxa ay Gabilay gaadhsiinayaan hiigsiga siyaasadda Dhiraynta iyo Maaraynta Qashinka oo ah

magaalo cagaaran oo nadiif ah.



ISTAAN CASRI AH OO BERBERA LAGA FU-RAY

Jimcale Cawke

Agaasimaha Qorshaynta
Dawladda Hoose ee Berbera

Istaan casri ah oo ay ka rakaabsan doonaan basaska u kala goosha gobolada Somaliland iyo magaalo madaxda Gobolka Saaxil ee Berbera oo xadhiga laga jaray. Istaanka casriga ah ee Basaska Berbera oo ay hirgelisay dawladda hoose ee degmedda Berbera ayaa si rasmi ah waxa xadhiga uga jaray madaxweynaha somaliland Md. Muuse Biixi Cabdi. Istaankan oo ku yaala badhtamaha magaalada Berbera, isla markaana loo dhisay qaab casri ah ayaa ka kooban terminal ay fadhiisan doonaan dadweynaha tagaya ama kuwa imanaya, xafiisyada shirkadaha basaska, meherado laga heli doono adeegyada fudud, barxada gaadiidka baxaya ama imanaya, baarkin casri ah, hoostadii gaadiidka lagu baadhayay badqabkooda iyo masaajidkii saaladaha lagu oogayay. Istaankan oo noqonaya kii ugu horeeyay ee laga fuliyo guud ahaan magaalooyinka Somaliland ayaa wuxu saxmada ka yarayn doonaa magaalada dhexdeeda waxaanu soo kordhin doonaa shaqo abuur balaadhan oo ay ka faaidi doonaan dadka reer Berbera.



MAAMULKA CUSUB EE DEGMADA LAAS-CAANOOD OO WADOOYIN XIDHNAAN BAN-NEEY

Eng. Abdikadir Mohamed

Injineerka / Tababaraha

Dawladda hoose ee Laascaanood

Golaha deegaanka cusub ee degmada Laascaanood oo uu hor kacayo duqa degmadu ayaa bilaabay banaynta waddooyin xidhnaa muddo. Dhaq-dhaqaaqan ayaa qayb ka ah hawlo horumarineed oo hor leh oo degmada ka socda tan iyo intii lasoo doortay golaha cusub. Shaqaalaha iyo gaadiidka dawladda hoose Laascaanood ayaa waddo banayntani ku hawlanaa intii lagu guda jiray bishii todobaad ee sanadkani 2021.

Kaddib banayntii waddooyinkaasi waxa kor u kacay bilicdii magaalada iyo isku socodkii gaadiidka. Duqa degmada Laascaanood Cabdirixiin Cali Ismaaciil waxa uu sheegay in “ka dawlad hoose ahaan ay diiradda saarayaan sidii ay kor ugu qaadi lahaayeen bilicda magaalada. Bulshadana waxa uu ugu baaqay in ay waddooyinka ka durkaan, kana urursadaan alaabaha yaala”.



KOR U QAADIDDA DAKHLIGA DEGMADA OODWAYNE

Mustafe Faarax

Agaasimaha Qorshaynta

Dawladda Hoose ee Oodwayne

Degmo waxay horumartaa intii ay soo saarato dakhli madax banaan oo tacab, dadaal iyo farsamo ay galiso. Degmada Oodwayne ee xarunta gobolka Daad-madheedh waxa ay dadaal dheeriya ku bixisay kor u qaadidda dakhliga dawladda hoose kasoo gala deegaanada ay maamusho. Maayirka cusub ee dhawaan ay doorteen golaha deeganka cusub ee degmada Oodwayne mudane: Ibraahin Qasaal Rooble oo kaa shanaya saraakiisha dawladda hoose ayaa diiradda saaray tabihii kor loogu qaadi lahaa cashuurta soo xeroota.

Waxa si qoto dheer loo daraasay sidii haddafkaasi looga midho dhalin lahaa wakhti kooban. Golaha deeganka cusub iyo shaqaalaha dawladda hoose ee Oodwayne waxa ay qaadeen talaabooyin ay ka mid yihiin; qaadashada shaqaale cusub oo cashuur qaadeyaal ah, soo iib-sashada gaadhi cashuur gaadhi kara dhamaan deegaanada ay dawladda hoose maamusho, wacyigalin miyi iyo magaalaba oo muwaadiniinta lagu wargalinayo soo bixinta cashuurta iyo 46 goob cashuureed oo laga furay deegaano kala duwan, si maamul daadajinta maaliya-deed u wada gaadho illaa heer tuulo. Tan iyo intii uu maayir Ibraahin iyo golaha deegaanka ee cusub ay bilaabeen dhaqdhaqaaqyada iyagoo kaashana saraakiisha dawladda hoose iyo masuuliyiinta heer tuulo waxa kor u kacay dakhligii degmada boqolkiiba sodon.



WAAJIBAADKA GOLAHA DEEGAANKA

Qodobka 40aad ee Xeerka Ismaamulka Gobolladda iyo Degmooyinka, *Xeer Lr. 23/2019* waxa uu ka hadlayaa guud ahaan waajibaadka iyo Xilka Saaraan Golaha Deegaanka waana kuwan hoos ku xusan:

1. Golaha Deegaanka wuxuu awood buuxda u leeyahay hawl kasta oo ka mid ah kuwa lagu tilmaamay qodobkan oo looga fadhiyo ka midho dhalintiisa ee ku jira xadka Degmadooda, sida:

a) Xoojinta iyo kor u qaadista Nabadda, dega-naanshaha, kala dambaynta iyo wanaajinta awaamiirta dawlada

b) Kobcinta iyo kor u qaadista kaabayaash dhaqaalaha sida jidadka magaalooyinka gudahooda.

c) Maamulka, horumarinta iyo kor u qaadista adeegyada Arrimaha Bulshada, sida wax-barashada, Caafimaadka, Beeraha, Xoolaha, Degaanka, Ganacsiga, Nabadgelyada, Laydhka, Biyaha, Igaadhsiinta, Nadaafadda I.W.M ee hoos yimaada awooda golayaasha degaanka ee degmooyinka.

d) Maamulka, iyo horumarinta fayadhawrka, bilicda, Dhiraynta, iyo dhismaha, dayactirka iyo daryeelka wadooyinka magaalooyinka iyo kaabayaasha dhaqaalaha I.W.M ee dawladaha hoose ee maamulka degmooyinka.

e) Aasaasida suuqyo badeeco, xoolaha iyo Kaluunka

f) Kormeerka dhismooyinka cusub, kuwa la cusboonaysiinayo iyo kuwa u baahan in la dumiyo.

g) Ka hor tagga dhibaataada abaarta, duu-faanada, dabka halista ah iyo dhibaato kasta oo wax u dhimi karta dadweynaha.

h) Daad guraynta dadweynaha hadii aafod dhacdo.

i) Diyaarinta iyo fulinta barnaamijyada iyo Mashaariicda horumarineed ee heer degmo.

j) Horumarinta Fank, Isboortiga iyo Suugaanta.

k) Dhismo goobo biyood oo magaalooyinka iyo tuulooyinka dhexdooda ah.

l) Samaynta iyo dayac tirka wadooyinka.

m) Soo jeedinta iyo codsiga wax ka beddalka iyo habaynta Naqshadda magaalooyinka Degmadu ka kooban tahay si waafaqsan xeerarka maamulka dhulka magaalooyinka.

n) Diwaan galinta hantida ma guurtada ah ee dadweynaha Degmada ku nool iyo tan Dawladaba, ee hoos yimaada masuuliyada golaha degaanka degmada.

o) Noolaynta Shacaa'iirta Islaamiga ah, wadaniga iyo Caalamiga.

p) Diyaarinta iyo oggolaanshaha dib u eegista Miisaaniyadda D/Hoose.

q) Daryeelka Horumarinta Miyiga iyo dhii-rigelinta wax soo Saarka iyo abaabulidda

r) Dhiirigelinta Mashaariicda isku tashiga Bulshada

s) Habaynta Hawlaha aaska (Qubuuraha) astaynta dhulka Qabuuraha.

t) Samayn goobo nasasho, wax akhris iyo Daawasho.

u) Isku dheeli tirka baahida shaqo xadaynta,

v) qorshaynta iyo jaangoynya shaqaalaha ka hawl gelaya waaxyaha D/Hoose, iyadoo laga duulayo hadba heerka shaqaale iyo Darajada Degmo kasta.

w) Ilaalinta iyo Daryeelka Goobaha taariikhiga ah.

x) Dhiiri galinta Madax Banaanaynta (Privatization) iyo maal galinta wadjireed (Joint Venture) ee dawlada iyo shirkadaha gaarka ah ee adeegyada Bulshada sida Biyaha, Nalka Iwm.

2. Golayaasha Deegaanka ee Degmooyinku si ay u fuliyaan xilkooda ku xusan farqadda laad ee qodobkan, waa in ay sameeyaan qorshaha horumarinta ee degmada.

3. Goluhu waa in uu dejiyaa qorshe sanadle ah oo ku wajahan horumarinta iyo kor u qaadida adeegyada Arrimaha bulshada sida; Nabadgalyda, Dhaqaalaha, Waxbarashada, Caafimaadka, kaabayaasha dhaqaalaha, horumarinta Beeraha iyo Xoolaha, Ilaalinta Deegaanka, iwm ee hoos yimaada awooda Golaha Deegaanka Degmada, lana jaan qaadaya qorshaha horumarinta ee heer Qaran.

4. Goluhu wuxuu awood u leeyahay inuu qorshihiisa isbedel ku sameeyo, isaga oo la jaanqaadaya xawliga horumarka Dalka Jsl.



5. Goluhu markuu qorshihiisa wax ka bedalayo, waxa uu tixgalinayaa kala

mudnaanta baahiyaha degmada sidoo kalana waafajinayaa barnaamijka Qorshaynta Qaranka.


6. Goluhu wuxuu awood u leeyahay inuu heshiis la galo ciddii faa'iido ugu jirto dalka debediisa iyo gudihisaba iyadoo la waafajinayo shuruucda dalka u dejisan.

IDEAL

IDEAL is a programme implementing together by Association of Local Government Authorities of Somaliland (ALGASL) and the Association of Local Governments of Netherlands (VNG International) that works on the involvement of citizens in local governance in seven countries facing fragility or conflict. The participation of citizens contributes to inclusive decision-making. It improves local governance and the delivery of basic services. It makes local governance more sustainable and increases welfare and stability. Our drive and expertise is to support local governments in building bridges with all their citizens – including marginalised groups.



VNG International & IDEAL in Somaliland



BARNAAMIJKA WADA JIRKA EE DAWLADA HOOSE IYO BAAHINTA ADEEGYADA DAW-LADDA EE QARAMADA MIDOOBAY


Khaalid Cabdi Xirsi
Agaasimaha ALGASL

JPLG waxa ku bahoobey shan hay'adood oo Qaramada Midoobey ah (ILO, UNCDF, UNDP, UN-HABITAT and UNICEF), illaa 2008 JPLG iyo hay'adaha ay bah wadaagta yihiin, dawladda Somaliland iyo deeq bixiyaasha ayaa taageera xoojinta kaalinta iyo awoodda dawladdaha hoose. Si ay u gaarsiiyaan adeega dadweynaha Somaliland, hadafka guud ee barnaamijka waa in dawladdaha hoose ay ka qayb qaataan nabadda iyo inay gaarsiiyaan adeegyo dadweyne oo loo simanyahay. Qaab dhismeedka horumarinta degmadu waa dhiirigaliye bulshada iyo aragtidooda Hoggaaminta dawladdaha hoose iyo ka qaybgalka bulshooyinka geedi socodka qorshaynta ayaa tiirar u ah nidaamka qorshaynta/ qorshayaasha dawladdaha hoose ee Somaliland taas oo ka qayb qaadanaysa joogtaynta nabadda iyo kor u qaadida horumarinta. Hanaanka qorshaynta, horumarinta degmada ee shanta sano; iyadoo la raacayo hanaanka kala mudnaan siinta qorshayaasha kaas oo si sanadle ah looga wada qayb galo marka la samaynayo qorshaynta shaqada, ayaa lagu xidhay Hagaha Maaliyadda iyo Qorshaynta laga wada qaybgalo ilaa heer degmo ee Somaliland, hagahaas oo ladheho (DPFG oo horay loogu yaqaaney PEM). Sanadkii 2012, wareeggii koowaad ee Qaab-dhismeedyada Horumarinta Degmada (DDF) ayaa lagu soo bandhigay toddoba degmo oo tijaabo ah oo Somaliland ka tirsan. Natiijooyinka laga helay qiimaynta la sameeyey waxay sheegayaan in degmooyinku isu diyaarinayaan inay maraan wareegga labaad ee Qaab-dhismeedka Horumarinta Degmada.

Wasaaradda Arrimaha Guduhu waxay ho-gaaminaysaa habka dib loogu curiyo qa-

ab-dhismeedka Horumarinta Degmada, iyadoo taageero ka helaya daneeyayasha horumarinta dowladdaha hoose ee ay uu ka midka yahay; ururka dowladdaha hoose ee ALGASL oo alaaba u sameeya dowladdaha hoose qorshayasha fog iyo kuwa gaaban iyo kobcinta aqoonta iyagoo la kaashada machadka dhawaan ay dowladdaha hoose samaysteen ee ah, Machadka shaqaalaha dowladdaha hoose ee LGI. Degmooyinka uu mashruuca JPLG ka shaqeeyo waa 11 degmo oo kala ah:

1. Hargeisa
2. Burco
3. Berbera
4. Boorama
5. Sheikh
6. Odweyne
7. Gabiley
8. Saylac
9. Laascaanod
10. Caynabo
11. Cerigabo



EDITORIAL TEAM

ABDIRAHMAN ALI
FAHIMA MOHAMED
ABDILAH I MOHAMED
SAED NOAH

DESIGN: ABDILAH I MOHAMED

© ALGASL



**Association of Local
Government Authorities of
Somaliland**

ALGASL

ADDRESS: WADADA MUJ. ADAN CADDE,
HARGEYSA KA SOO HORJEEDEKA ACADEMY
NABADA
TELL: 2 520165

WEBSITE: WWW.ALGASL.ORG
EMAIL: ALGASL.INFO@GMAIL.COM



MACAALO
magazine